



御批歷代通鑑輯覽卷之四十九

隋

煬帝

綱目河隋書北史舊文於

是年正月每分注義密二

年益二史特以義密已奉

煬帝為太上皇故用義密

繼大業年號耳若綱目於

義密之立既斥之於不成

君之列於煬帝之弑又竝

不加以太上皇之稱則安

得從繼述之例乎至通鑑

於大業十三年正月竟書

義密元年雖疾憲之義究

乖統繫掌例今折衷書法

於元年用一歲兩係之例

戊寅大業十四年恭帝侑義密二年考是年楚林士弘魏

建元俱載三月定楊等建元俱已見前恭帝侑唐高祖等以後茲不具列春正月唐王淵遣世子建成秦公世民救

東都以齊公元吉為太原道行軍元帥

三月宇文化及弑帝于江都立秦王浩

帝至江都荒淫益甚然見天下危亂亦不自安退朝則

幅巾短衣徧歷臺閣汲汲顧景惟恐不足常仰視天文

聞大有人圖儂然且其樂飲耳因引滿沈醉又引鏡自

照曰好頭頸誰當斬之后驚問故帝笑曰貴賤名樂更

迭為之亦復何傷見中原已亂無心北歸欲保江東乃命治丹

三月以前大書天業十四年而以義寧二年附注四月以後分注義寧二年而以恭帝何及唐高祖附後義例庶無矛盾

陽宮將徙都之時江都糧盡從駕驍果多關中人思歸  
郎將司馬德戡元禮直閤裴虔通等共謀去因轉相  
招引日夜結約郎將趙行樞以告將作少監宇文智及  
智及大喜曰今天實喪隋英雄竝起同心叛者已數萬  
人因行大事此帝王之業也德戡等然之行樞因請以  
智及兄許公化及爲主乃悉召驍果諭以所爲夜于東  
城集兵得數萬人德戡使虔通將數百騎入宮屯衛將  
軍獨孤盛與左右十餘人拒戰而死德戡遂引兵自玄  
武門入先是帝選驍健宮奴數百人置玄武門謂之給  
使以備非常至是化及等結帝所信司宮魏氏  
使矯詔聽給使出帝聞亂易服逃于西閣虔通等入永  
巷問陛下安在右美人出指之校尉令狐行達拔刀直

進扶帝下。閤勒兵守之。至旦。以甲騎迎化及。化及戰粟。不能言。既至。德戡等迎謁。引入朝堂。號爲丞相。虔通偪。

帝出宮。化及見之曰。何用持此物出。亟還與手。言與之毒手而

殺之。于是引帝還至寢殿。虔通等露刃侍立。帝歎曰。我何

罪至此。賊黨馬文舉曰。陛下違棄宗廟。巡遊不息。外勤

征討。內極奢侈。使丁壯盡于矢刃。女弱填于溝壑。四民

喪業。盜賊蜂起。專任佞諛。飾非拒諫。何謂無罪。帝曰。我

實負百姓。至于爾輩榮祿兼極。何乃如是。今日之事。孰

爲首邪。德戡曰。溥天同怨。何止一人。化及又使封德彝

數帝罪。帝曰。卿乃士人。何爲亦爾。德彝赧然而退。帝愛

王果年十三。在側號慟不已。虔通斬之。血濺御服。欲遂弑帝。帝曰。天子死自有法。何得加以鋒刃。取鴆酒來。文

舉等不許。于是令狐行達引帝縊殺之。初帝每巡幸常以蜀

王秀自隨。化及既弑帝欲迎立之。眾議不可。乃殺之。及

齊王暕宗戚無少長皆死。唯秦王浩素與智及往來得

免。文殺虐世基裴蘊來護兒等世基弟世南抱世基號泣請以自代化及不許虞世南字伯施化及

自稱大丞相總百揆。以皇后令立秦王浩為帝。居別宮

以兵守之。令發詔畫敕而已。化及之入朝堂也。百官畢

賀。蘇威亦往。給事郎許善心獨不至。化及殺之。其母范

氏年九十二。撫柩不哭。曰。吾有子矣。不食而卒。唐王之入關也

張季珣之弟仲琰為上洛令死之。至是仲琰弟琮為千牛左右亦為化及所殺。兄弟皆死國難。時人惜之。唐王

聞變慟哭曰。吾北面事人。失道不能救。敢忘哀乎。追謚曰。腸。

宇文化及發江都。

化及擁眾十餘萬據有六宮自奉如煬帝以少主浩付

尚書省令衛士守之遣吏取其畫敕百官不復朝參下

令欲還長安奪人舟楫以行虎賁郎將麥孟才等與折衝郎將沈光謀曰吾儕受

先帝厚恩今俛首事讎何面目視息人間光泣曰是所望于將軍也乃與孟才糾合恩舊帥所將數千人將以

晨襲化及語洩被殺其麾下皆鬪死無一降者麥孟才鐵杖子沈光字總持吳興人及至彭城

司馬德戡與趙行樞等亦謀殺化及事洩化及殺之魏公密兵據鞏洛以拒化及

化及不得西遂引兵入東郡

吳興太守沈法興武康人起兵據江表十餘郡

法興聞宇文化及弑逆舉兵討之得精兵六萬攻餘杭

本錢塘郡開皇中曰杭州大業初改郡曰餘杭今浙江杭州府是毘陵丹陽注俱見前皆下

之據十餘郡

是年三月隋亡矣。兩恭帝一出於唐。一出於王世充。等準以不成君之例。雖與漢更始同。至唐高祖於五月受禪。然其得統終不可同之漢。高且煬帝弑而恭帝侑立於東都。不可謂非正。故別起義例。於是年三月前仍大書紀年。作隋於夏四月。但分注紀年。自巳卯至癸未。始作隋唐按書法。三月前與綱目異。前條已著其說。四月後與綱目同。復揭其義於此。

夏四月

隋恭帝侑義寧三年。恭帝侑皇泰元年。唐高祖神堯皇帝李淵武德元年。夏王竇建德五鳳元年。涼

王李軌安樂元年。楚王朱粲昌達元年。是歲三月。隋煬帝亡。四月後并楚林士弘。魏定楊梁。梁師都。秦。梁。蕭銑。凡

十二國。隋恭帝侑。秦。魏。亡。

唐世子建成趙公世民

世民于三月徙封趙等。還長安。

建成世民引兵至東都。城中多欲為內應者。世民曰。吾

新定關中。根本未固。雖得東都。不能守也。遂不受。將還

世民又曰。城中見吾還。必來追躡。乃設三伏以待之。段

達等果來追。遇伏而敗。世民遂置新安宜陽二郡。注見前。

分兵守之而還。

梁王銑稱皇帝。

梁王蕭銑即帝位。置百官。徙都江陵。修復原廟。引岑文

本州景仁鄧棘陽人爲中書侍郎委以機密又使張繡徇嶺南

郡縣多降于是東自九江西自三峽南盡交阯北距漢

川銑皆有之勝兵四十餘萬

### 五月唐王淵稱皇帝

先是唐王淵自加殊禮劍履上殿贊拜不名王以書諭郡縣于是東至商洛南盡巴蜀

郡縣長吏盜賊氏已而復爲相國總百揆將加九錫王謂僚屬曰此

詔諛所爲耳孤乘大政而白加九錫可乎必若循魏晉之迹彼皆繁文僞飾欺天罔人孤竊恥之或曰歷代所行亦何可廢王曰堯舜湯武各因其時未聞夏商之末必效唐虞之禪也但改丞相爲相國府其九錫殊禮皆歸之至是隋帝侑禪位于唐唐王卽皇帝位推五運爲

有司色取行違矣

土德色尙黃廢帝侑爲鄴國公而選用其宗室詔曰近

時運遷革前代親族莫不誅夷興亡之效豈伊人

力其隋蔡王智積等子孫并付所司量才選用

唐王自爲相國受禮贈

仍沿魏晉以來舊道雖極

詆歷代之繁文欺罔以九

錫歸之有司而其迹究不

可掩覆至聞變恟哭幾於

色取行違矣



唐罷郡置州以太守爲刺史。

隋越王侗稱皇帝。

東都畱守官聞煬帝凶問奉越王侗卽位。段達王世充爲納言。元文都爲內史令。共掌朝政。

唐定律令置學校。

命裴寂劉文靜等修律令行之。置國子太學四門生三百餘員。郡縣學亦置生員。

六月唐以裴寂爲右僕射知政事。劉文靜爲納言。竇威蕭瑀爲內史令。

唐主待裴寂特厚。羣臣莫及。稱爲裴監而不名。委蕭瑀以庶政。事無大小莫不關掌。瑀亦孜孜盡力。繩違舉過。

蕭瑀懲大業之弊，奏敕不  
即宜行，未免矯枉過正。政  
事隨時損益，豈能前後適  
相脗合？置事勢緩急於不  
問，誠從中阻隔，浸假而玩  
愒廢弛，為患滋甚。且以  
廷綸綽而臣下得操其行  
止，亦違承命之義。明季封  
駁，惡習未必非濫觴於此  
也。

有唐創業，秦王實肇其謀。  
以賢以功，茲宜纘承大統。  
且當晉陽初起時，已面許  
為太子。久矣，乃不為宗社。

人皆憚而毀之。瑀終不自理。唐主嘗有敕，瑀不時宣行。唐主責之。瑀對曰：大業之事，繫安危，故臣每受一敕，必勘審，使與前敕不違。始政宣行，稽緩之愆，實由于此。唐主曰：卿用心如此，吾復何憂。

### 唐立四親廟

追尊高祖曰宣簡公，曾祖天錫曰懿王，祖虎曰景皇帝，廟號太祖。考昞曰元皇帝，廟號世祖。妣皆為后。諡妃

竇氏曰穆皇后，每歲祀昊天上帝，皇地祇，神州。鄒衍大

一、中國在焉。秦以後，遂為中國之稱。地祇以景帝配，感生帝。五帝迭王。王

其一。是為感生帝，說出春秋元命苞。迭王之王去聲。明堂。宗祀也。注見前。以元帝配。

唐立世子建成為太子，世民為秦王，元吉為齊王。

宗室封王者八人。

縣遠計而用俗備編長廷  
譚轉致骨肉戮生白貶伊  
威後世固知屢變如明洪  
武之不立燕王亦蹈覆轍  
而不悔者乎前因漢患事  
為引其端并詳著其義如  
於此

唐以永安王孝基唐主從父弟為陝州總管。

時邊要州皆置總管府以統數州之兵。

唐以孫伏伽貝州武城人為治書侍御史。

萬年縣後周置今日咸寧與長安俱為西安府治法曹孫伏伽上表略曰隋

其過亾天下故陛下得之然陛下徒知得之之易而未  
知隋失之之不難也謂宜易其覆轍務盡下情凡人君

言動不可不慎陛下今日即位而明日有獻鶴雛者此  
乃少年之事豈聖主所須哉又百戲散樂亾國淫聲近

太常于民間借婦女裘襦以充妓衣擬五月五日玄武  
門遊戲此亦非所以為子孫法也夫善惡之習漸染易

移太子諸王參僚左右宜謹擇其人有門風不睦素無

行義專好奢靡以聲色遊獵為事者皆不可近自古骨  
肉乖離以至敗亾未有

不因左右離間而然也唐主省之大悅下詔褒稱擢為  
治書侍御史賜帛三百匹仍頒示遠近

魏公密敗宇文化及于黎陽奉表降隋

東都聞宇文化及西來。上下震懼。有蓋琮者。上疏請說李密與之合勢。以拒化及。元文都。盧楚范陽人以為然。使

琮齎敕書賜密。化及引兵北趣黎陽。李密將徐世勣畏

其軍鋒。西保倉城。化及渡河。分兵圍世勣。密壁于清淇。

與化及隔水而語。數之曰。卿本匈奴皁隸。世受隋恩。主

上失德。不能死諫。反行弑逆。天地所不容。將欲何之。化

及默然良久。大言曰。與爾論相殺事。何須作書語邪。乃

盛修攻具。以偪倉城。世勣擊敗之。密畏東都議其後。見

蓋琮至。大喜。遂上表乞降。請滅化及以贖罪。隋主册拜

密太尉。封魏公。俟平化及入朝輔政。元文都等喜于和

作樂。王世充作色曰。朝廷官爵。乃以與賊。其志欲何為。邪。文都等亦疑世充欲以城應化及。由是台隙已而化

亂臣賊子人得而誅之  
密既知化及無能為則不

急擊以正其罪而轉以善  
舉事待建德邪

及食盡引餘眾北趣魏縣密知其無能爲西還鞏洛而  
徐世勣以備之時蘇威亦詣密降密虛心禮之威初不  
言帝室艱難惟再三舞蹈稱不  
圖今日復見聖明時人鄙之

秋七月隋王世充殺元文都隋主以世充爲僕射魏公密  
如東都不至而復

李密每戰勝輒使告捷于隋隋人皆喜世充獨曰文都  
輩刀筆吏耳吾觀其勢必爲李密所擒且吾軍士屢與  
密戰殺其軍父兄弟前後已多一旦爲之下吾屬無  
噍類矣欲以激怒其眾文都懼謀因世充朝伏甲誅之  
段達以告世充世充夜勒兵襲含嘉門文都入奉隋主  
御殿閉門拒守世充攻太陽門得入殺盧楚使段達脅  
隋主出文都殺之及其諸子悉遣人代宿衛者然後入

文遠勸密數語可云不愧  
宿儒乃明知世充殘忍而  
于密敗之後不即引身遠  
避是豈真澹於榮利者益  
前此之壯言激論特顛料  
密能見容故無難樂得也  
道及知世充不能容遂至  
往見下拜所謂五經掃地  
益亦長樂老人之流耳

見謝曰文都等欲召李密以危社稷疾臣違異深積猜  
嫌迫于救死不暇聞奏乃被髮爲誓詞淚俱發隋主以

爲誠以世充爲左僕射總督內外諸軍事世充移居尙

書省使兄世暉入居禁中子弟咸典兵馬隋主拱手而

已密將入朝至溫聞變而還初密獲東都國子祭酒徐文遠故嘗受業者也備弟

于禮北面拜之文遠曰將軍之志欲爲伊霍以繼絕扶  
傾則老夫雖遲暮猶願盡力若爲莽卓乘危邀利則無

所用老夫矣密頓首受教至是密復問計文遠曰世充  
亦吾門人也其人殘忍必有異圖將軍前計必不諧矣

世充未破不可入朝也後密敗文遠復入東都見世充  
必先拜或問曰君倂見密而敬王公何也文遠曰魏公

君子也能容賢士王公小人也能殺故人安  
得不拜徐文遠名曠以字行孝嗣五世孫

### 長樂王建德定都樂壽

初建德攻河間隋郡丞王琮拒守歲餘不下及聞煬帝

凶問。琮帥吏民發喪。建德遣使弔之。琮乃請降。建德退舍待之。琮言及隋亡。建德亦爲之泣。諸將請烹之。建德曰。忠臣也。吾方賞之。以勸事君。奈何殺之。往在高雞泊。爲盜。容可妄殺人。今欲安百姓。定天下。豈得害忠良乎。以琮爲瀛州刺史。于是河北郡縣聞之。爭附于建德。饒陽令宋正本博學有才氣。說建德以定河北之策。建德引爲謀主。定都樂壽。備置百官。

八月。秦主舉卒。子仁杲立。

先是。唐秦王世民與秦主舉戰于高塘。

城名。在今陝西邠州長武縣北。

敗績。郝瑗因言于舉曰。唐兵新破。關中騷動。宜乘勝直

取長安。舉然之。會病卒。仁杲立。居折墻城。

仁杲之爲太子也。與諸將

多有隙及卽位眾心猜懼郝瑗哭舉而死  
由是凌弱折墟城在今平涼府涇州

唐立李軌為涼王

唐主欲與李軌共圖秦隴遣使招撫之謂之從弟軌大

喜遣弟入貢遂拜軌為涼王

已而軌自稱帝

隋人葬煬帝于江都

隋江都太守陳稜求煬帝之柩略備儀衛葬之

葬于江都宮西

吳公臺下

魏公密與隋戰大敗遂以其眾降唐

密開洛口倉羣盜就食者近百萬口東都降者日以百

數倉無防守文券取者隨意委棄衢路米厚數寸洵米

洛水兩岸十里粲如白沙密喜謂賈閭甫曰此可謂足食矣閭甫曰國以民為本民以食為天今民襁負而至者以所天在此故也一旦米盡民散孰與成大業哉



時隋軍乏食密軍少衣王世充請交易密許之東都降

者遂少世充簡兵擊密密留王伯當守金墉邴元真守

洛口自引精兵出偃師北阻邙山以待之裴仁基謂密曰世充悉眾

而至洛下必虛可簡精兵三萬傍河西出以徇東都世

充還我且按甲如此則我有餘力彼勞奔命破之必矣

密以爲然旣而諸將欲戰者什七八密又惑而從之魏

徵亦言于長吏鄭頌曰世充乏食志在死戰未若深溝

高壘以拒之不過旬月世充必退追而擊之蔑不勝矣頌曰此老生之常談耳密輕世充不設

壘壁世充夜遣騎潛入北山伏谿谷中命軍士皆秣馬

蓐食遲明薄密密兵未及成列世充縱擊之其士卒皆

江淮剽勇出入如飛戰方酣伏兵乘高馳下密眾大潰

馳回洛口邴元真已遣人潛引世充單雄信亦降密自

度不能支帥輕騎奔虎牢王伯當亦棄金墉保河陽密